

Meeqqanut akilersuutit il.il. kiisalu meeravissiarthaarnermi tapiissutit tunniunneqartarneri pillugit Namminersornerullutik Oqartussat nalunaarutaat nr. 33, 26. juli 1994-imeersoq

Meeqqanut akilersuutit il.il. kiisalu meeravissiarthaarnermi tapiissutit tunniunneqartarneri pillugit Inatsisartut peqqussutaanni nr. 2-mi 3. marts 1994-imeersumi §§ 8 aamma 16 tunngavigalugit makku aalajangersarneqarput:

Kapitali 1.

Aalajangersakkat nalingijnnaasut.

§ 1. Meeqqanut akilersuutit il.il. kiisalu meeravissiarthaarnermi tapiissutit tunniunneqartarneri pillugit Inatsisartut peqqussutaat tunngavigalugu tunniussinerit inummit taakkuninnga pisinnaatitaasumit erseqqissumik qinnuteqartoqarneratigut aatsaat pisinnaapput.

Imm. 2. Inatsisartut peqqussutaat taanna tunngavigalugu tunineqarnissaminik qinnuteqartup paasissutissat suliasap suliarineqarnissaanut pisariaqartut tamaasa paasissutissiissutigissavai.

Imm. 3. Qinnuteqaatip suliarineqarnerani uppersartaatit pisariaqartinneqartut pissarsiarineqarnissaat qinnuteqartup isumagisassaraa.

§ 2. Kommunit isumaginninnermi ataatsimiititaliaasa meeqqanut akilersuutininik meeravissiarthaarnermiluunniit tapiissutinik pisinnaatitaasussat Inatsisartut peqqussutaat tunngavigalugu tunniussisoqarsinnaaneranut periarfissanik ilitsersussavaat, matumani tunniussinnginnermi uppersartaatit suut pissarsiarineqareersimanissaat ilanngullugu paasissutissiissutigalugu.

Kapitali 2.

Meeqqanut akilersuutit pisortanit siumoortumik tunniunneqartartut.

§ 3. Meeqqanut akilersuutininik pisortanit siumoortumik tunniunneqartartunik qinnuteqaammi kina meeqqamut akilersuisussaataitanersoq nalunaarneqarsimassaaq, kiisalu akiliutit ullormi akilerneqarsimaffissaminni akilerneqarsimannnginnerat aamma ilanngullugu nalunaarneqarsimassalluni.

Imm. 2. Qinnuteqaat akilersuisussaataitsinermik imaluunniit ataassarsiuinnermut, akilersuisussaataitassarsiormut avinniarnermulluunniit atatillugu akilersuisussaataitaasoqarnissaanik qinnuteqaateqarsimanermik uppersartaammik ilaqartinneqassaaq.

§ 4. Meeraq akilersuutininik pisinnaatitaasumi najugaqanngippat meeqqap pilersorneqarneranut kina aningaasartuuteqartarnerisooq paasissutissiissutigineqassaaq. Akilersuutininik pisinnaatitaasoq meeqqap pilersorneqarneranut aningaasartuuteqartanngippat meeqqamut akilersuutit pisortanit siumoortumik tunniunneqarsinnaanngillat.

§ 5. Meeqqamut akilersuutit siumoortumik tunniunneqarnissaat ullup akilernerqarfissaata aqaguani aatsaat qinnutigineqarsinnaapput.

§ 6. Akilersuisussaataaneq allannortittariaqartoq unitsittariaqartorluunniit isumaginninnermi ataatsimiititaliap paasiguniuk meeqqamut akilersuisussaataasoq tamatumunnga periarfissat pillugit ilitsersussavaa.

Kapitali 3.

Meeqqanut akilersuutit pîsortanit tapiissutitut tunniunneqartartut.

§ 7. Meeqqanut akilersuutit pisortanit tapiissutitut tunniunneqartartut inunntut Inatsisartut peqqussutaanni kapitali 3-mi piumasaqaatitut aalajangersakkanik eqqortitsisimallutik uppernarsaasinnaasunut qinnuteqarsimasunullu tunniunneqarsinnaapput.

Imm. 2. Meeqqap ataasiinnarmik pilersuisoqarnera meeqqamullu akilersuisussaataasoqannginnera qinnuteqartup uppernarsagassaraa. Uppernarsaat tassaasinnaavoq ataatassarsiunerup inaarneqarnera pillugu eqqartuussivimmi allattaavimmi allattukkat assilinerat, akilersuisussaataasup angajoqqaajusulluunniit toqusimanerannut uppernarsaat assigisaalluunniit.

§ 8. Meeqqanut akilersuutit pisortanit tapiissutitut tunniunneqartartut tunniunneqarnissaannut piumasaqaatit eqqortinneqarsimatillugit tapiissutit meeqqap inuuia qiteqquffialu ullormik ataatsimik sioqqullugit kommunip allaffiani oqartussanit tunniunneqartassapput.

Imm. 2. Meeqqap inuuia qiteqquffialuunniit ullormik ataatsimik sioqqullugu oqartussat saaffigineqartussat matoqqassappata meeqqanut akilersuutit tapiissutitut tunniunneqartartut matoqqanissaq sioqqullugu ullormi ammaffimmi kingullermi tunniunneqassapput.

Kapitali 4.

Meeravissiartaarnermitapiissutit.

§ 9. Meeraq meeravissiartaarnissaq siunertaralugu inuinnaat isumaqatigiissuteqarnerisigut ilaqutariinnut allanut paarsassanngorlugu inissinneqarsimappat meeravissiartaarnermi tapiissutit tunniunneqarsinnaanngillat, meeravissiartaarnertut meeqqap inissinneqarneranut atatillugu angalanermut uninnganermullu aningaasartuuteqarsimagaluarpataluunniit.

Imm.2. Inatsisartut peqqussutaanni § 15, imm. 2-mi piumasaqaatit malillugit meeqqap meeravissiassanngortinneqarneranut atatillugu meeraq ilaqutariinnut inissinneqarpat inissiineq taamaattoq meeravissiartaarnertut isigineqassaaq, naak meeravissiartaarnissamut akuersissut suli tunniunneqarsimanngikkaluartoq.

§ 10. Meeravissiartaarnermi tapiissutit tunniunneqannginnerini qinnuteqaateqartup makku uppernarsassavai:

- 1) qinnuteqartup meeravissiartaarneranut akuersissut takutinneqassaaq,
- 2) meeraq meeravissiartaarnissaq siunertaralugu tigusassaasoq, kiisalu
- 3) meeqqap aaneqarneranut atatillugu angalanermut uninnganermullu aningaasartuutit qinnuteqartup

aningaasartuutigisimallugilluunniit aningaasartuutigissagai.

Imm.2. Meeravissiarthaarnermut tapiissutit aallarnissaq siusinnerpaamik ullut 14-nit sioqqullugu aatsaat tunniunneqarsinnaapput.

Imm. 3. Meeqqap angerlarsimaffimmi tiguneqarnissaa sioqqullugu tunniunneqartut siumoortumik tunniussatut (aconto) tunniunneqassartassapput

§ 11. Meeraq angerlarsimaffimmi tiguneqaraangat meeravissiarthaarnermi tapiissutit amerlassusissaat isumaginninnermi ataatsimiititaliap naatsorsortassavai.

Imm.2. Aningaasartuutit pisariaqavissut kisimik naatsorsuinnermi ilanngunneqartarnissaat isumaginninnermi ataatsimiititaliap nakkutigisassavaa.

Imm. 3. Aningaasartuutit pisariaqavissutut isigineqartut tassaapput, pisortat meeravissiarthaarmissaq pillugu suliniuteqarsimasut meeravissiarthaartussat meeqqamik nammineq aallernissaannik piumasaqaataat tunngavigalugu angalanermut aningaasartuutit. Meeqqamut angalaqataanissaq kisimi piumasaqaataasimappat angalaqataalluni angalanermut aningaasartuutit kisiisa ilanngullugit naatsorsuunneqassapput.

Imm. 4. Uninnganermi aningaasartuutit pisariaqavissutut isigineqartut tassaapput, angalanermut angalaqataallunilu angalanermut kiisalu meeqqap tunniunneqarneranut atatillugu sivikinnerpaamik unnuinnermut aningaasartuutit uppersarsaasikkat. Meeraq meeravissiarthaartussaangitsumit angalaqatigineqarsimappat nerisaqarnermut aningaasartuutit uppersarsaasikkat kiisalu angalaqataasup aningaasarsiai naatsorsuinnermi ilanngunneqarsinnaapput, aningaasartuutit taakku meeravissiarthaartussamit akilerneqarnissaat piumasarineqarsimappat.

Imm. 5. Meeravissiarthaartussap aappaannaata angalaneranut aningaasartuutitut tapiissutit kisiisa ilanngullugit naatsorsuunneqassapput, meeravissiarthaartitsinnermi oqartussaasup meeravissiarthaartussat tamarmik marluullutik aalleqataanissaat piumasarisimagaa uppersarsarneqarsinnaangippat.

Imm. 6. Pisariaqavissunut aningaasartuutit amerlassusii apeqqutaatinnagit meeravissiarthaarnermi tapiissutit annerpaamik meeqqanut akilersuutit nalinginnaasut ukiumoortumik amerlassusiisa atuuttut pingasoriaataattut amerlassuseqarsinnaapput.

Kapitali 5.

Aningaasalersuineq.

§ 12. Meeqqanut akilersuutit il.il. kiisalu meeravissiarthaarnermi tapiissutit tunniunneqartarnerat pillugu malittarisassat tunngavigalugit tunniunneqartartut qinnuteqartup kommuniarmit aningaasartuutigineqassapput.

Imm. 2. Meeqqanut akilersuutit pisortanit tunniunneqartartunut kiisalu meeravissiarthaarnermi tapiissutitut tunniunneqartartunut aningaasartuutit Isumaginninnermut Suliffeqarnermullu Pisortaqarfimmit utertillugit akiligassanngorlugit qaammammut ataasiarlugit nassiunneqartassapput.

Kapitali 6.

Atortuulersitsineq.

§ 13. Nalunaarut manna 1. august 1994 aallarnerfigalugu atortuulersinneqarpoq.

Namminersornerullutik Oqartussat, 26. juli 1994.

Henriette Rasmussen

/

Nukákuluk Kreutzmann